



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

II. Romanorum Pontificum in salute hominum promovenda Providentia.

urn:nbn:de:hbz:466:1-10880

pore & admiratione cœlestia verba fundentem audiabamus. Eos vero versus ita uti auctori eos in somno animus dictavit, nec ulla deinde cura expolitos, hoc loco inscrere volui, existimans non minus eos gratos fore posteris, quam tum dolenter ab omnibus augurium illud vehementer extimescentibus, fuere accepti. Sic vero habent.

*P̄pere dum toties errabat ad astra volatu
Mentis, & hinc animi motu dum cœrula Cœli
Templa frequentabat, tandem hūc suscepit Olympus
Æternum, ipse prior cœlestis imagine forma
Captus. Acerba igitur nobis non mortis ademit
Te, Puteane, dies; sed dum te ad sidera tollis,
Iisque redisque animo consuetum limen Olympi,
Terrea sublimem te virtu' reliquit in astris,
Candidus ut degas cum DIs cœlestibus avum,
Luceat & nunc te cœlo non purior ignis.*

QVOMODO SOCIETATI IN GERMANIAM aditus sit patefactus; eaque deinde per totum terrarum Orbem se diffuderit.

CAPUT TERTIUM.

ARGUMENTUM.

- I. Iesuitæ in Germaniam veniunt.
- II. Romanorum Pontificum in salute hominum promovenda Providentia.
- III. Quibus artibus Iesuitæ juventutem imbuant & informent.
- IV. Magnus Societatis Iesu Collegiorum in Germania numerus.
- V. Nec non in Polonia & aliis locis.
- VI. Societas Iesu per universum Mundum diffusa.

I. **A**Emulatio quæ inter duos potentissimos Christiani orbis Monarchs, Carolum V. Imperatorem, & Franciscum Galliarum Regem excitata primum, deinde tanta cum populorum ab utraque parte strage, ad Philippum & Henricum eorum successores derivata fuit, Lutheranismo, rot capitulo & antesignanis orbato ac pœne prostrato, spacium respirandi ac se recolligendi dedit. Nec mirum, tanta principibus inter se contentione pugnantibus, ut ad mutuam invasionem, sexaginta octo exercitus conscripti dicantur. Qua in re uterque Protestantium non accipiebat solum, sed quæ sebat etiam auxilia; qui tum in Imperio Novum & alterum Imperium formarant, & fædere stabi-

liverant. Sed iis quæ ad politicum statum pertinent omisis, religionis statum explicemus. Quemadmodum vero atrox hoc contra Ecclesiam bellum in Germania primo fuit excitatum, ita ad domandas, aut ulro etiam oppugnandos perduelles in eadem auxilia quamprimum comparari, aut aliunde acciri & novis copiis veteres suppleri necesse fuit. Primus ex Jesuitarum Societate in Germania hæresi bellum intulit Petrus Faber, Anno 1541. inueniente is Germaniam, jussu Pont. cu Petro Hortizio in Hispanias ituro & ab Imperatore comitia tu Wormatiae celebrante, evocato ingressus est. Natu his fuit in pago quodam Genevæ vicino, qui puer anno ætatis duodecimo, pastoritam vitam agens perpetua castitatis votum Deo fecit, ex ovium pastore magnus postea animarum in oviili Jesu Christi pastor factus; primus ex illis qui sub Jesu nominis vexillo, spirituali militiae ab Ignatio adscribi voluerunt.

Fuit hic præter insignem doctrinam, amabili quadam virtu' gravitate ad conciliandum, & singulari prudentia ad retinendum hominum amorem præditus: quibus ille virtutibus quum aliorum Catholicorum Principum animos mirifice sibi obligavit, tum Cardinalibus imprimis tam Moguntino quam Augustano, pergratus fuit. Hic primus Societati in Germaniam aditum aperuit, qua tantopere postea ibi multiplicata est, ut in ea LXX. Collegia numerentur. Brevi mora in Hispaniis versatus, in Germaniam redditurus jussu Pontificis Faber natus est via Comites & vitæ duos ex aula Regia Sacellanos Joan. Aragoni & Alvarum Alfonsum quorum prior Coloniam ad SS. Trium Regum, alter ad S. Ursulæ memoriam studiaque amplius excolenda missi in Montano Gymnasio Petro Canisio Neomagensi innotuerunt, quem fama Fabri excitatum & Colonia ipsum videndi desiderio Moguntiam profectum, Christo Faber lucifecit. Interea dum hi boni successus veluti vadum in Germania tentant primo Colonæ incepto Collegio; Cardinalis Moronus, Pontificis in Concilio Trident. Legatus, Ignatii suus Germanicum Collegium Romæ instituit, in quo ejus nationis adolescentes selecti bonis literis, ac præcipue pietate & virtutibus instruerentur, ut pro virili quisque sua bonam deinde patriæ operam navare possent; additis preventibus ad eam rem necessariis, quos Gregorii XIII. Pontificis liberalitas deinde plurimum auxit.

II. Quis hoc tam sanctum Parum istorum insti-
tutum

tutum satis digne laudaverit? qui in tanta hæresoon tempestate, è multis undique ædificatis à se speculis, errantibus non lumen tantum, verum etiam portus & tutas periclitibus stationes ostenderunt. In hoc illi vera doctrina ac Catholica fide imbuuntur, ut quum studiorum finem facere visum fuerit, in patriam reversi, Domini vineam ab hæresibus evastatam restaurent. Neque vero uno Germanico Collegio cæpto contenti præter illud ibidem in usum Græcorum, Anglorum, Illyricorum, Armeniorum & aliarum nationum videntur Collegia, ut Laureti Illyricorum exorsi, tam adversis cum rebus, quam hominibus iustati, semper in salvum consilia pia eduxerunt. O pulcram & admirabilem Ecclesiæ politiam! O summam ejus cuius auctoritate in ea omnia diriguntur, & ad cuius nutrum totus pæne terrarum Orbis movetur, sapientiam! Romani hujus collegij fundationem multum adjuvit Franciscus Borgia Dux Gandiae, Hispaniarum regi necessitudine conjunctus: qui Mundo abdicato, è Duce opulento pauper Jesuita factus est, tanto majori cum omnium admiratione, quanto certior dignitatis ejus indies amplificandæ in seculo spes erat: Hujus exemplum sequutus Antonius de Cardona, ex illustrissima Hispaniæ Magnatum familia ortus, eidem Societati nomen dedit; tum Sanctius de Castilia, Petrus de Lodoso, Jacobus de Guzman, & alii illustribus & nobilissimis familiis prognati qui omnes sub Ignatio, Generali militiae præfecto, spiritualem militiam sequuti sunt, dominationem servitute, imperium obedientia, divitias paupertate, & libertatem subjectione permutantes. Omnibus vero illis cuiuscumque nationis Collegiis & Seminariis Jesuita præsunt, quorum admirabili prudentia juveniles animi, è terra jam ad cœlum adspirantes, tam humanis quam divinis litteris imbuuntur. In hac officina assiduo ad bellum tenebrarum Principi inferendum necessarii apparatus comparantur, & novi exercitus subinde formantur.

III. Hi magni isti sunt & sapientes tam corporum quam animarum ductores, quibus ex omni vita vix una horula perit, quæ non in expoliendis & ad virtutem & pietatem informandis tenerè juventutis animis collocetur. Ego in ipsorum collegiis non ordinem tantum & dexteritatem docendi, verum etiam miram temporis distribuendi sollertialem vehementer saepsum admiratus, quæ tanta est, ut non dies, sed vix ullum momentum sine linea abeat, & nec studia devotioni obstent, nec devotione studia retardet. Omnia vero ea sunt

moderatione, ut nec ingehia exhaustiantur, nec corpora assiduis laboribus inutiliter conficiantur. Quemadmodum enim prudens venator nimium odori sequi canis impetum retrahit; aut bonus agricola fertilem terram non sine omni quiete subigit & fatigat, ne scilicet assiduo illo & nimio cultu tandem exhaustiatur; sic illi eos, quos nimiopere ad studia inclinatos ac propensos vident, fratris quibusdam retinent, & ad liberales animi remissiones indies hora post cibū ultro deducunt. Eorum uni singulis noctibus per omnia cubicula circum-eundi, & post certam horam lumina extingendi munus demandatum est, ut omnes nocturna quiete recreati, mane tanto alacrius ad laborem confurgent. Novi ego quosdam, qui lucernæ inopia ad Lunæ lumen quo poterant noctis legendo aut scribendo exegerint tantus in plenisque impetus ad ea quæ illi instituto sunt propria ornamenta. Præterea, ut medici eis qui visus infirmitate laborant, repente copiosum lumen adspicere vetant, sed è locis primo obscurioribus ad clariora paullatim deducunt, ut lucem tandem sine ulla oculorum læsione ferre queant: sic illi eos præfertim qui ad Ecclesiæ ministeria destinati sunt, non statim ac humaniorum litterarum periti sunt, aut Philosophiam emensi ad S. Scripturæ solem exponunt, sed paullatim per inferiora magisque facilia docendi usu confirmant & sensim per Gradus Scholarum ad difficiliora perducunt. In hac Societate ordine & sub certis regulis omnia sunt. *Alia hic observatur ratio quam in novellis illis.* Reformati scilicet nostri faculi Ecclesiæ, ubi sine ulla linguarum aut artium ad Theologiam necessiarum cognitione, imperiti adolescentie schola prorepentes in suggestum producuntur, nullam, nisi velut pice aut psitaci, sine ratione garriendi artem edotti. Porro in Jesuitarum illa seminaria nulli suscipiuntur, nisi qui ad Philosophiam discendam apti judicati fuerint: cujus studiis tres impenduntur anni. Hoc decurso spacio, Theologie amoventur, cui totum quadriennium est constitutum. Septem his annis exactis, prævio examine quam ad quisque provinciam maximè sit idoneus, de generali Præfetti voluntate diversas in partes ad Ecclesiastica obeunda ministeria ablegantur. In folo illo Germanorum seminario, è quo præter ceteros, tres magni viri prodierunt, continuo circiter trecenti adduntur qui velut promtum Christianæ Reipublicæ subsidium in omnes partes censerit possunt. Omitto Nobile illud in media Germania Fuldense Seminarium S. Apostolicæ sedis sumptu multis